



BOSNA I HERCEGOVINA
FEDERACIJA BOSNE I HERCEGOVINE
URED ZA REVIZIJU INSTITUCIJA U FEDERACIJI BOSNE I HERCEGOVINE



Broj: 05-04-4-3217-1/25
Sarajevo, 28. 10. 2025. godine

PARLAMENT FEDERACIJE BIH
PREDSTAVNIČKI DOM

n/p Dragan Mioković, predsjedavajući
n/p Dennis Gratz, zastupnik

Ul. Hamdije Kreševljakovića br. 3
71 000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 29-10-2025			
Org. jed.	Broj	Priloga	Vrijednost
05/1	-02-	579	25

PREDMET: Odgovor na inicijativu za hitnu provjeru zakonitosti zapošljavanja u institucijama i javnim preduzećima Federacije BiH

Poštovani,

Ured za reviziju institucija u Federaciji BiH (u daljnjem tekstu: Ured za reviziju) zaprimio je inicijativu zastupnika dr. Dennisa Gratz, kojom se „zadužuje Ured za reviziju institucija FBiH da, u okviru svojih ovlaštenja, izvrši posebnu reviziju procesa zapošljavanja u institucijama i javnim preduzećima, s ciljem utvrđivanja eventualnih zloupotreba, političkog kadroviranja, nepotizma i netransparentnosti.“

Nadležnosti Ureda za reviziju utvrđene su Zakonom o reviziji institucija u FBiH (u daljnjem tekstu: Zakon). U skladu sa članom 8. Zakona, Ured za reviziju, pored finansijske revizije i revizije učinka, provodi druge specifične - specijalne revizije, koje se shodno članu 18. Zakona realiziraju na zahtjev Parlamenta FBiH ili Parlamentarne komisije odgovorne za reviziju, za koje je potrebno Uredu za reviziju osigurati posebna budžetska sredstva.

Skrećemo pažnju na to da, u okviru finansijskih revizija, Ured za reviziju obuhvata postupke zapošljavanja sa aspekta usklađenosti sa zakonskim i podzakonskim propisima, te daje preporuke za otklanjanje nepravilnosti. U slučajevima utvrđene neusklađenosti između donesenih provedbenih propisa i zakonskih odredbi, ova pitanja se, uvažavajući značajnost, ističu u skladu sa revizijskim standardima kroz posebno naznačene odjeljke izvještaja o reviziji usklađenosti. S tim u vezi skreće se pažnja na prijem u radni odnos na određeno vrijeme bez javnog oglašavanja putem Uredbe Vlade FBiH o postupku prijema u radni odnos u javnom sektoru u FBiH, te se daje preporuka da se prijem zaposlenika u radni odnos vrši nakon provedene procedure obaveznog javnog oglašavanja, shodno odredbama Zakona o radu.

Također, u okviru revizije učinka, Ured za reviziju je 2018. godine proveo i objavio izvještaj pod nazivom „Transparentnost zapošljavanja u javnim preduzećima u FBiH“, te 2021. godine izvršio reviziju praćenja postupanja po datim preporukama. Predmetni izvještaj je dostavljen nadležnim kantonalnim i Federalnom tužilaštvu Federacije BiH, za koje je Ured za reviziju dobio obavijest o donošenju Rješenja kojim se odbija kao neosnovana pritužba Ureda za reviziju, te se utvrđuje ranije donesena Naredba da se istraga neće provoditi. Napominjemo da ovi revizorski izvještaji nisu bili razmatrani na sjednicama Parlamenta Federacije BiH niti Parlamentarne komisije odgovorne za reviziju.

Pored svega navedenog, prilikom sačinjavanja Plana revizija za revizijski ciklus 2025/2026, Ured za reviziju je uputio 7. 10. 2025. godine (br. 04-04-4-3016/25) Parlamentarnoj komisiji odgovornoj za reviziju, Predstavničkom domu i Domu naroda Parlamenta FBiH, kao i klubovima delegata naroda Doma naroda i klubu političkih stranaka Predstavničkog doma, poziv za dostavljanje prijedloga ili sugestija za revizije koje bi se mogle uvrstiti u navedeni plan. Na ovaj poziv Ured za reviziju nije zaprimio prijedloge do utvrđenog roka.

S poštovanjem,

Dostavljeno:

- Naslovu
- Kabinet generalnog revizora
- a/a

